



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. VII. An Theologia sit sapientia?

[urn:nbn:de:hbz:466:1-77232](#)

DE NATVRA THEOLOGIÆ.

21

gia, sive scientia purè naturalis, cùm sit illud per quod scientiae naturales, essentialiter differunt ab habitu primorum principiorum, & Theologia à fide, quod diligenter notandum est.

71. Objiciunt tertio: illa scientia est entitativè supernaturalis, cuius certitudo est supernaturalis: Sed certitudo Theologiae est supernaturalis: Ergo Theologia est habitus supernaturalis entitativè. Minor patet, certitudo enim quæ est major omni certitudine naturali (ut supra diximus de certitudine Theologiae) non potest esse naturalis. Major verò suadetur: illa scientia est entitativè supernaturalis, cuius differentia essentialis est supernaturalis: Sed illa scientia, cuius certitudo est supernaturalis, habet differentiam essentialem supernaturalē, cùm habitus scientiae per certitudinem essentialiter differat ab habitu opinionis: Ergo illa scientia est entitativè supernaturalis, cuius certitudo est supernaturalis.

Ad hoc argumentum, quod est palmarium apud Adversarios, distinguo Majorem: cuius certitudo est supernaturalis, formaliter & immediatè, concedo Majorem: radicaliter, originativè, & solum illativè, nego Majorem; & eadem distinctione applicata Minor, nego consequentiam. Sicut ergo Theologia non causatur immediatè à principio supernaturali, sed mediatis tantum, mediante scilicet discursu naturali intellectus humani, ex quo habet quod sit radicaliter & originativè supernaturalis, non vero formaliter & entitativè: ita non habet certitudinem formaliter & immediatè supernaturalē, sed tantum radicaliter & originativè, in quantum mediante discursu naturali, conclusiones Theologicae resolvuntur in principio supernaturali; sicut mediante eodem discursu ex illis principiis deducuntur; quod tamen sufficit, ut certitudo Theologiae sit major omni certitudine naturali, quamvis non sit tanta, quanta est certitudo formaliter supernaturalis, qualis reperitur in fide.

72. Objiciunt quartò: practicum & speculativum, cùm sint differentia divisiva scientiarum naturalium, non possunt adunari, seu eminenter contineri, in scientia naturali, ut diximus art. 4. Sed adunantur in Theologia, cùm illa sit eminenter formaliter speculativa, & practica, ut ibidem ostendimus: Ergo Theologia non est scientia naturalis entitativè.

Confirmatur: Theologia debet esse ejusdem ordinis cum fide, cùm ei subordinetur tanquam habitui primorum principiorum; & cum scientia Dei & Beatorum, cùm subalternetur illi, ut art. 2. ostendimus: Sed fides, & scientia Dei, ac Beatorum, sunt habitus entitativè supernaturales: Ergo & Theologia.

Ad objectionem respondeo distinguendo Majorem: practicum & speculativum non possunt adunari, seu eminenter contineri, in scientia naturali entitativè, si non sit supernaturalis radicaliter & objectivè, concedo Majorem. Si radicaliter & objectivè supernaturalis sit, nego Majorem. Unde ad hoc ut Theologia sit eminenter speculativa & practica, satis est, quod radicaliter & objectivè supernaturalis sit, id est quod dependeat à fide, quæ est eminenter formaliter speculativa & practica, & respiciat tanquam proprium objectum, Deum sub ratione Deitatis, qui cùm sit prima veritas, & ultimus finis, est prima regula speculationis & praxis.

Ad confirmationem nego Majorem: licet Tom. I.

A enim Theologia continetur in fide, tanquam in semine, & sicut scientia continetur in habitu principiorum, quia tam non acquiritur, nisi mediante discursu, qui est causa proxima & immediata illius, & aliunde effectus magis sapit naturali causa proximæ, & immediata, quam remotæ & radicalis, ut supra variis exemplis declaravimus; illa non est entitativè supernaturalis, sicut fides, sed potius naturalis quoad entitatem, sicut discursus. Similiter, licet Theologia scientia Dei, & Beatorum subalternetur, non tamen propterea est supernaturalis, quoad entitatem, cùm enim scientia subalternata sit inferior subalternanti, & ab illa dependeat, non requiritur quod sit ejusdem ordinis cum illa, sed potest esse ordinis inferioris.

Dices, scientia subalternata dicit habitudinem ad subalternantem: Sed si Theologia sit naturalis entitativè, non poterit dicere habitudinem ad scientiam Dei & Beatorum: Ergo nec illi subalternari. Major patet, Minor probatur. Illa quæ sunt ordinis naturalis & inferioris, non possunt dicere habitudinem ad ea quæ sunt ordinis supernaturalis & superioris: Ergo si Theologia sit naturalis entitativè, non poterit dicere habitudinem ad scientiam Dei & Beatorum.

Respondeo concessa Majori, negando Minorrem, ad cuius probationem dicendum, quod illa quæ sunt ordinis naturalis & inferioris, non possunt dicere habitudinem ad ea quæ sunt ordinis supernaturalis, & superioris, si ab aliquo habitu, vel forma talis ordinis non dependant, nec resulant: secùs verò si ab illa dependant, aut resulant. Exemplum habemus in illo qui postquam diu fœsi in actibus charitatis exercuit, incidit in peccatum mortale, per quod amittit habitum charitatis: in eo enim remanet dispositio quedam imperfecta, ad elicendos actus charitatis, similes illis quos exercebat, dum erat in gratia; quæ dispositio, licet sit naturalis, dicit tamen ordinem ad præcedentes actus charitatis, ex quibus remansit & resulant. Ita similiter, licet Theologia sit habitus ordinis naturalis, quantum ad substantiam & entitatem; quia tamen dependet à fide, & à scientia beata, in certitudine, vel evidencia suorum principiorum, dicit habitudinem ad illas, quamvis ad ordinem supernaturalē pertineant.

ARTICVLVS VII.

An Theologia sit sapientia?

N otandum primò: sapientiam aliam esse infusam, quæ est donum Spiritus sancti, & quæ importat quandam rectitudinem judicij circa divina conscienda & consulenda, secundum quandam connaturalitatem ad res divinas procedentem ex charitate quæ nos unit Deo. Aliam acquisitam, quæ est una ex quinque virtutibus intellectualibus enumeratis ab Aristotele 6. Ethic. cap. 4. quæ habet judicare de rebus per altissimam causam, ut docet D. Thomas 1. 2. quest. 66. art. 5.

Notandum secundò ex eodem S. Doctore ibidem quest. 57. art. 2. ad 1. quod sapientia acquisita, de qua solum hic agimus, est quedam scientia, inquantum habet id quod est commune omnibus scientiis, ut scilicet ex propriis conclusiones demonstrat: sed quia habet ali-

C iii

73.

74.

DISPUTATIO PROOEMIALIS.

quid proprium supra alias scientias , in quantum scilicet de omnibus iudicat , non solum quantum ad conclusiones , sed etiam quantum ad prima principia , ideo habet rationem perfectioris virtutis , quam scientia . Ex qua sequitur quod sapientia & scientia non differant , tanquam duas species opposita , sed solum tanquam species perfectior ab imperfectiori intra idem genus . Unde scientia sumpta pro habitu per demonstrationem acquisito , dividitur in sapientiam , & scientiam : ita ut sapientia sit scientia per causam altissimam , scientia vero communiter dicta , & ut condistinguitur a sapientia , sit cognitio per causas inferiores .

Notandum tertio : quod quando Aristoteles , lib . 1. magnorum moralium cap . 39. ait sapientiam ex intellectu & scientia constitui , non intendit sapientiam esse habitum compositum ex scientia & habitu primorum principiorum , vt male hic interpretatur Molina . Vel etiam illam esse unicum simplicem habitum , potestate continentem scientiam & habitum primorum principiorum , eo modo quo anima rationalis continet sensitivam & vegetativam , ut existimat Nazarius hic & Caietanus 1. 2. qu . 57. art . 2. Ratio est primo , quia Metaphysica est vera sapientia , ut concedunt omnes , & tamen continetur intra genus scientiae , vt constat ex 1. Metaphysica . Secundo , quia iuxta hos modos dicensi , non salvatur numerus quinarius virtutum intellectualium , ab Aristotele , & D. Thoma traditus , & communiter approbatus . Tertio , habitus ille simplex potestate continentis scientiam & habitum primorum principiorum , videtur impossibilis : vel enim esset a natura comparatus ? & hoc non , alias omnes essent naturaliter sapientes : vel proprijs actibus ? & queritur , quibus non per actus habitus primorum principiorum , quia illi non generant , nisi similem habitum : neque per demonstrationem , quia jam esset scientia ; neque per actus scientiae & habitus primorum principiorum , quia cum illi habitus concurrant ferè semper ad faciendam demonstrationem , iam per quamlibet demonstrationem posset generari tertius habitus , potestate utrumque continentis , quod vix est intelligibile . Quamvis ergo sapientia aliqua , nempe sapientia Dei & Beatorum , eminenter formaliter continet rationem intellectus & scientiae , ut dicimus in Tractatu de scientia Dei , id tamen nulli sapientia pure humana & acquisitae conuenire potest . Unde quando Aristoteles docet , sapientiam continere scientiam , & habitum primorum principiorum , hoc non est intelligendum de continentia formalis , sed tantum de virtuali : illa enim dicitur utrumque habitum continere , quia habet duo officia omnino diuersa in primis enim deducit conclusiones ex primis principijs demonstrabilibus , & hoc est illi commune cum alijs scientijs ; deinde versatur circa prima principia , multis modis : primo explicando illa per terminos uniuersales ; secundo defendendo illa contra protervos , & etiam probando per reductionem ad impossibile ; tertio explicando proprietates illorum , ut quod non possint demonstrari , quod convincant intellectum , nec possint negari perceptis terminis , &c . His praesuppositis .

Dico , Theologiam nostram verè & propriè esse sapientiam . Ita D. Thomas hic art . 6. & communiter Theologi cum illo .

A Probatur primò : sapientia nihil aliud est quam perfecta scientia , ut constat ex dictis annotatione 2. & expressè docet D. Thomas super Boëtium qu . 2. qua de causa ab Aristotele , omnium scientiarum Regina & Dea appellatur : Sed Theologia est scientiarum omnium Architectonica , & suprema , ac veluti aliarum scientiarum Dea & Regina , ut constabat ex infra dicendis : Ergo est verè & propriè sapientia .

Probatur secundò : in hoc differt sapientia à scientia communiter dicta , quod illa est cognitio rei per causam , non quamcumque , sed altissimam : unde in genere adificij , artifex qui disponit formam domus , dicitur sapiens , & Architecto , respectu inferiorum artificum , qui dolant ligna , vel parant lapides ; & in ordine morali , vir prudens qui ordinat suos actus in ultimum finem , vocatur sapiens : Atqui Theologia judicat de rebus per altissimam omnium causarum , nempe Deum , quem contemplatur sub lumine divinae revelationis , quæ magis est certa & infallibilis , quam lumen naturale primorum principiorum : Ergo illa potiori jure est sapientia , quam Metaphysica , quæ Deum considerat ut cognoscibilem ex creaturis , & solo lumine naturali intellectus . Ex quo

B Inferes primò : quod sicut sapientia versatur non solum circa conclusiones , quas deducit ex principiis , sed etiam circa ipsa principia , quæ explicat & defendit contra negantes , ita & Theologia duo illa munia exercet : non solum enim infert conclusiones ex articulis fidei , sed etiam illos explicat , & ostendit illorum credibilitatem , ac dissolvit sophismata , & argumenta , quæ Hæretici vel Infideles contra illos propounderunt : non quidem evidenter positivè (hoc enim est impossibile , cum veritas Mysteriorum fidei non possit evidenter ostendi) sed evidenter tantum negativè : id est , demonstrando talia argumenta non evidenter convincere , sed esse fallibilia : v. g. quando Hæreticus arguit contra Mysterium Trinitatis , hoc modo : *Quæ sunt eadem uni terrio , sunt eadem inter se : Sed Pater & Filius sunt idem in essence divina : Ergo identificantur inter se .* Theologia solvit illud argumentum evidenter negativè , dicendo quod quanvis fit evidens in rebus finitis & creatis , ea quæ sunt eadem uni terrio , identificari inter se ; non tamen in ente infinito , & fœcundo , quod potest esse communicabile pluribus .

C Inferes secundò : quod sicut sapientia judicat de omnibus ; iuxta illud Apostoli 1. ad Corinth . 2. *Spiritualis homo judicat omnia* , ita & Theologia , cùm sit vera sapientia , judicat de principiis , & conclusionibus omnium aliarum scientiarum . Ut enim inquit S. Doctor hic art . 6. ad 2. *Quicquid in aliis scientiis inventur veritatis bujus scientia repugnans , totum ab ea condemnatur ut falsum : unde dicitur 2. Corinth . 10. Consilia defraudentes , & omnem altitudinem extollentes se adversus scientiam Dei .* Quare Theologia est veluti Lydius lapis , ex cuius contactu verum à falso , pürum ab impuro , & sincera doctrina , à vitia & adulterata discernitur .

D Inferes tertio : quod sicut sapientis est non solum judicare , sed etiam ordinare , ut dicit Philosophus : ita etiam Theologia , non solum judicat de principiis aliarum scientiarum , sed etiam illas ordinat ad finem ; ejus enim est ordinare ad finem , cuius est respicere ipsum finem : Theologia autem considerat finem ultimum nostrorum

actionum, nempe Deum, & beatitudinem: Ergo illius est, alias scientias ad illum dirigere & ordinare.

77. Obijcies primò: nostra Theologia est verè & propriè scientia, vt supra ostensum est: Ergo non est propriè sapientia. Probatur consequentia, nam sapientia & scientia condistinguntur in genere virtutum intellectualium, sicut duæ species dividentes aliquod genus: ut patet ex Aristotele 6. Ethic. cap. 4. & 8. ubi dividit virtutem intellectualem, in intellectum, sapientiam, scientiam, artem, & prudentiam. Igitur non potest eadem virtus intellectualis, simul esse sapientia & scientia: sicut nec idem animal simul homo & equus.

Respondeo ex D. Thoma Opusculo 70. quæst. 2. art. 2. ad 1. *Quod sapientia non dividitur contra scientiam, sicut oppositum contra oppositum, sed quia se habet ex additione ad scientiam.* Et enim sapientia, vt dicit Philosophus in 6. Ethic. caput omnium scientiarum, regulans omnes alias, inquantum de altissimis principijs est: propter quod etiam Dea scientiarum dicitur 1. Metaphysice. Sicut ergo non repugnat, quod eadem persona simul sit homo & Rex: ita neque quod unus & idem habitus, simul habeat rationem scientia, & sapientia.

78. Obijcies secundo: sapientia est maxima inter virtutes intellectuales, & altior ac nobilior ipso etiam habito primorum principiorum, ut colligitur ex Aristotele 2. Metaphyl. cap. 1. & ex D. Thoma 1. 2. qu. 57. art. 2. ad 2. Sed Theologia nostra non est maxima inter virtutes intellectuales, neque altior ac perfectior fide, que est habitus principiorum ejus: nam fides est habitus infusus, & intrinsecè supernaturalis: Theologia vero est habitus acquisitus, & intrinsecè naturalis, ut supra ostensum est: Ergo Theologia non est verè & propriè sapientia.

Respondetur quod sapientia est maxima inter virtutes intellectuales, & altior ac nobilior habitu primorum principiorum, non simpliciter, sed secundum quid: quatenus scilicet ordinat & iudicat de omnibus, etiam de primis principijs, non quidem ea demonstrando, sed explicando per terminos universales, ac defendendo contra protertos. Et in hoc sensu, Theologia potest dici, secundum quid altior & nobilior fide, quatenus ejus articulos explicat, tuerit, ac defendit: Ut enim dicit Augustinus 14. de Trinit. cap. 1. *Hæc est scientia, quæ fides saluberrima dignitur, nutritur, roboratur, & defenditur,*

ARTICVLVS VIII.

An Theologia sit argumentativa, & ex quibus locis sua argumenta depromat?

79. Dico primò: Theologiam esse argumentativam. Ita D. Thomas hic art. 8.

Probatur primò ex Apost. 2. ad Timoth. 3. *Omnis scriptura divinitus inspirata, utilis est ad docendum, ad arguendum, &c.*

Probatur secundo: Theologia est vera scientia, ut supra ostendimus: Sed omnis vera scientia est argumentativa, cùm ex proprijs principijs deducat varias conclusiones de suo objecto, demonstrando ejus proprietates: Ergo Theologia est argumentativa.

Probatur tertio: nam in Scriptura Christus Dominus, Theologorum Princeps, sape legitur

A contra Phariseos argumentatus, ut constat ex March. 19, ubi probat matrimonium esse indissoluble, ex illo Genes 2. *Propter hoc relinquit homo patrem & matrem, & adhaeret uxori sua.* Unde concludit: *Quod ergo Deus coniunxit, homo non separat.* Et cap. 22, ex illo Psalmi 109. *Dixit Dominus Domino meo,* probat Messiam non esse purum hominem, nec solum filium David, sed etiam Deum: cùm David ipsum vocet Dominum; quod nomen Pharisej concedebat esse proprium Dei. Similiter etiam Apostoli sepè fuisse argumentati leguntur. Ut enim notat D. Thomas hic art. 8. *Apostolus 1. ad Corinth. 15.* probat futuram esse resurrectionem omnium, quia Christus resurrexit: cuius rationis vis in hoc consistit, quod non sit major difficultas respectu Dei, cur multi resurgent, potius quam unus,

B Dico secundò: Theologiam ex decem locis sua argumenta eruere. Conclusio indiget solūm explicatione,

C Locus ergo Theologicus est sedes quædam, sive caput, unde argumenta Theologica defumuntur: cùm enim Theologia, ut iam ostendimus, sit argumentativa; debet esse determinata capita, unde ejus argumenta eruantur. Sicut in Topicis, ab Aristotele plura loca communia designantur, ex quibus omnes scientiae possunt plura argumenta depromere. Decem autem solent in Theologia enumerari, ex quibus aliqui sunt necessarii, aliqui tantum probabiles; aliqui proprii, alij verò extranei: de quibus disertè, & suffissimè differunt Magister Cano in libro de locis Theologicis, & Bannes super art. 8. hujus quæst. & 2. 2. quæst. 1. art. 10.

D Igitur primus locus unde sumitur irrefragabile argumentum à Theologo, est Scriptura divina, quæ tunc habetur pro Canonica, quando sic ab Ecclesiis declarata est: sicut declaravit Concilium Tridentinum sess. 4. qui sunt libri Canonici,

E Secundus locus sumitur ex traditionibus Apostolicis, de quibus idem Concilium eadem sessione, sic definit: *Sacrosancta Synodus, &c. omnes libros tam veteris quam novi Testamenti (cùm utriusque unus Deus sit author) nec non traditiones ipsas, tum ad fidem, tum ad mores pertinentes, vel tanquam ore tenue à Christo, vel à Spiritu Sancto dictatas, & continuā successione in Ecclesia Catholica conservatas, pari pietatis affectu & reverentiâ suscipit, ac veneratur.* De his videri possunt Bellarminus de verbo Dei non scripto, lib. 4. Cano lib. 3. de locis, & Bannes 2. 2. quæst. 1. art. 10.

F Tertiarius locus est conuentudo Ecclesie, quæ in omnibus maximè emulanda est, vt docet S. Thomas 2. 2. quæst. 10. art. 12. his verbis, *Maxime habet autoritatem Ecclesia consuetudo, quæ semper est in omnibus emulanda, quia & ipsa doctrina Catholicorum Doctorum, ab Ecclesia auctoritatem habet.* Unde magis standum est auctoritati Ecclesie, quam auctoritati Augustini, vel Hieronymi, vel cuiuscumque Doctoris.

G Quartus locus est ex Concilij Generalibus, approbatis à Romano Pontifice, de quo Caetanus in opusculis tractatu 1. Victoria relectione 4. & Bannes 2. 2. quæst. 1. art. 10.

H Quintus est ex declarationibus Romanorum Pontificum, & eorum auctoritate, quæ tanta est, vt illa sola prevaleat auctoritati omnium aliorum Episcoporum & Doctorum, vt constat in Stephano Papa primo: cùm enim ejus tempo-